



Oleh Presiden Thomas S. Monson

Berdiri di Tempat Suci

Komunikasi dengan Bapa Syurgawi kita—termasuk doa kita kepada Dia dan inspirasiNya kepada kita—diperlukan untuk kita mengatasi ribut dan cubaan hidup.

Saudara dan saudariku yang terkasih, kita sudah dengar pesanan bagus pagi ini, dan saya memuji setiap orang yang menyertai. Kita terutamanya gembira kerana Elder Robert D. Hales berada bersama kita lagi dan rasa lebih sihat. Kita menyayangimu, Bob.

Semasa saya berfikir-fikir tentang apa yang saya mahu mengatakan kepadamu pagi ini, saya rasa ditekan untuk kongsi fikiran dan perasaan tertentu yang saya menganggap berkaitan dan tepat pada masanya. Saya berdoa bahawa saya boleh dipandu dalam perkataanku.

Saya sudah hidup di dunia ini selama 84 tahun. Untuk memberi kamu sedikit perspektif, saya lahir pada tahun Charles Lindbergh menerbang kapal terbang tanpa berhenti pertama kali dengan hanya seorang dari New York ke Paris dalam kapal terbang dengan satu enjin dan satu tempat duduk. Banyak sudah berubah dalam 84 tahun sejak itu. Sudah lama sejak manusia pergi ke bulan dan kembali. Malah, perkara yang cereka sains terdahulu, adalah kenyataan sekarang. Dan kenyataan itu, kerana teknologi

zaman kita, berubah dengan begitu cepat sehingga kita hampir tidak dapat terus memahaminya—kadang-kadang kita tidak boleh. Bagi kita yang ingat telefon dengan bulatan untuk dail, dan mesin taip manual, teknologi zaman ini lebih daripada menakjubkan sahaja.

Taraf moral masyarakat berubah dengan pesat. Kelakuan yang dianggap tidak sesuai dan tidak moral terdahulu, sekarang bukan sahaja ditahan malah dianggap sesuai oleh ramai orang.

Tidak lama dahulu, saya baca dalam rencana *Wall Street Journal* oleh Jonathan Sacks, rabai ketua Britain. Antara perkara lain, dia menulis: “Dalam hampir setiap masyarakat Barat pada tahun 1960-an, ada pertukaran tiba-tiba dengan taraf moral, sebuah peninggalan dari etika tradisional pengawalan diri. The Beatles nyanyi bahawa kamu hanya perlukan kasih. Taraf moral tradisional Yahudi dan Kristian ditinggalkan. Sebagai gantinya datang [pepatah]: *[Buat] apa-apa memberi manfaat kepadamu*. Sepuluh perintah ditulis lagi sebagai Sepuluh Cadangan Kreatif.”

Rabai Sacks terus, menyatakan dengan sesal:

Kita sudah meninggalkan asas moral kita tanpa hati-hati, sama seperti kita membazirkan sumber kewangan kita. . . .

“Ada banyak bahagian di [dunia] di mana agama adalah perkara masa lalu dan tiada trend budaya untuk membalas idea budaya yang menggalakkan orang untuk beli barang, menghabiskan wang, memakai pakaian yang menjolok mata, dan menunjuk-nunjuk kerana mereka menganggap bahawa sepatutnya. Ada pesanan bahawa prinsip moral sudah kolot, hati nurani adalah bagi orang lemah, dan perintah terpenting adalah ‘Jangan dinampak apabila berdosa.’”¹

Saudara dan saudari saya, ini—malangnya—mengambarkan dunia di sekeliling kita. Adakah kita risau dengan putus asa dan berfikir-fikir macam mana kita akan terus hidup di dunia begini? Tidak. Sungguhnya, kita ada dalam hidup kita injil Yesus Kristus, dan kita tahu bahawa prinsip moral tidak kolot, bahawa kita mempunyai hati nurani untuk membimbing kita, dan bahawa kita bertanggungjawab bagi tindakan kita.

Walaupun dunia sudah berubah, hukum Tuhan terus malar. Hukum itu tidak berubah dan tidak akan berubah. Sepuluh Perintah adalah tepat itu—perintah. *Bukan* cadangan sahaja. Perintah adalah sepenting pada zaman ini macam bila Tuhan memberinya kepada anak-anak Israel. Jika kita dengar sahaja, kita dengar gema suara Tuhan, bercakap kepada kita di sini dan sekarang:

“Jangan ada padamu tuhan lain di hadapan-Ku.

“Jangan membuat bagimu patung yang menyerupai apa pun. . . .

“Jangan menyebut nama Tuhan, dengan sembarangan. . . .

“Ingatlah dan kuduskanlah hari Sabat. . . .

“Hormatilah ayahmu dan ibumu. . . .

“Jangan membunuh.

“Jangan berzina.

“Jangan mencuri.

“Jangan mengucapkan saksi dusta. . . .

“Jangan mengingini.”²

Peraturan kelakuan kita adalah muktamad; tidak boleh dirunding. Ia dijumpa bukan sahaja dalam Sepuluh Perintah malah dalam Khutbah pada Gunung, diberikan kepada kita oleh Juruselamat bila Dia berjalan pada dunia. Ia dijumpa di seluruh ajaran-Nya. Ia dijumpa dalam kata-kata wahyu masa kini.

Bapa kita di Syurga adalah sama terdahulu, zaman ini, dan selamalamanya. Nabi Mormon beritahu kita bahawa Tuhan “tak berubah dari segala keabadian ke segala keabadian.”³ Di dalam dunia ini di mana hampir semua nampaknya berubah, kemuluran Dia adalah sesuatu yang padanya kita dapat berharap, sauh yang padanya kita dapat memegang dengan kukuh dan selamat, supaya kita tidak menjadi sesat di perairan tidak diketahui.

Mungkin nampaknya kepadamu kadang-kadang bahawa orang lain di dunia berseronok lebih daripadamu. Beberapa antara kamu mungkin rasa terhad kerana peraturan kelakuan yang padanya kita di dalam Gereja berpegang teguh. Namun demikian, saudara dan saudariku, saya mengatakan kepadamu bahawa *tiada apa-apa* yang dapat membawa lebih kegembiraan ke dalam hidup kita, atau lebih kedamaian kepada jiwa kita, daripada Roh yang boleh datang kepada kita apabila kita ikut Juruselamat dan mematuhi perintah. Roh itu tidak boleh berada di jenis kegiatan

yang di dalamnya banyak orang di dunia menyertai. Rasul Paulus mengatakan kebenaran: “Manusia duniawi tidak menerima apa yang berasal dari Roh Tuhan, kerana hal itu baginya adalah suatu kebodohan; dan ia tidak dapat memahaminya, sebab hal itu hanya dapat dinilai secara rohani.”⁴ Perkataan *manusia duniawi* boleh merujuk kepada sesiapa antara kita, jika kita membenarkan diri kita menjadi duniawi.

Kita mesti berhati-hati di dunia dengan budaya yang sudah berpaling dari kebanyakan perkara rohani. Kita perlu menolak apa-apa yang tidak mematuhi taraf kita, menolak juga untuk menyerah kalah apa yang kita paling mengingini—kehidupan abadi di kerajaan Tuhan. Kadang-kadang kita masih ada kesusahan, kerana itu bahagian yang pasti berlaku dari pengalaman kita dalam kefanaan. Namun demikian, kita banyak lebih bersedia untuk menanganinya, untuk belajar daripadanya, dan untuk mengatasinya kalau kita ada injil sebagai dasar kehidupan kita dan kasih Juruselamat di dalam hati kita. Nabi Yesaya mengatakan, “Di mana ada kebenaran di situ akan tumbuh damai sejahtera, dan akibat kebenaran ialah ketenangan dan ketenteraman untuk selamalamanya.”⁵

Sebagai cara berada *di* dunia tetapi tidak *menjadi* duniawi, kita perlu bercakap dengan Bapa kita di Syurga melalui doa. Dia ingin kita buat begini; Dia akan menjawab doa kita. Juruselamat menegur kita, seperti ditulis dalam 3 Nefi, pasal 18, “Berdoa selalu agar jangan kamu masuk ke dalam godaan; kerana Setan berhasrat untuk memilikimu. . . .

“Oleh kerana itu kamu mesti selalu berdoa kepada Bapa dalam namaKu;

“Dan apa pun yang akan kamu minta kepada Bapa dalam namaKu, yang adalah benar, memercayai bahawa kamu akan menerima, lihatlah itu akan diberikan kepadamu.”⁶

Saya mendapat kesaksian saya tentang kuasa doa bila saya berumur 12 tahun. Saya bekerja keras untuk

mendapat duit dan sudah mendapat lima dolar. Ini terjadi pada masa yang ekonomi tidak baik, bila lima dolar banyak wang—terutamanya bagi budak berumur 12. Saya memberi semua duit saya, yang berjumlah lima dolar, kepada bapa saya, dan dia memberi saya satu bil lima dolar. Saya tahu ada sesuatu khusus yang saya merancang untuk membeli dengan lima dolar itu, tetapi sekarang, banyak tahun nanti, saya tidak dapat ingat apa itu. Saya hanya ingat betapa penting wang itu bagi saya.

Pada masa itu kita tidak mempunyai mesin basuh, jadi ibu saya hantar pakaian kita yang perlu dibasuh ke kedai dobi setiap minggu. Selepas beberapa hari, beban pakaian basah akan dihantar balik kepada kita, dan ibu akan menggantungnya di ampai di belakang rumah kita sampai menjadi kering.

Saya sudah simpan lima dolar itu di poket dalam seluar saya, dan se-perti mungkin kamu boleh meneka, seluar saya dihantar ke kedai dobi dengan wang masih di poketnya. Bila saya menjadi sedar akan apa terjadi, saya rasa sakit kerana risau. Saya tahu bahawa poket biasanya diperiksa di kedai dobi sebelum membasuh. Jika wang saya tidak didapat dan diambil semasa proses itu, saya tahu hampir pasti bahawa wang itu akan jatuh dari poket semasa dibasuh dan akan diambil oleh orang pekerja yang tidak boleh tahu siapa mempunyai wang itu, walaupun mungkin dia mahu mengembalikannya. Kemungkinan mendapat lima dolar itu lagi tidak berapa mungkin—satu fakta yang ibu terkasihku mengesahkannya bila saya beritahu dia bahawa saya meninggalkan wang di poket.

Saya mahu wang itu; saya perlukan wang itu; saya sudah bekerja sangat keras untuk mendapat wang itu. Saya menyedari bahawa saya boleh buat satu perkara sahaja. Dengan banyak kebimbangan saya meminta bantuan Bapa saya di Syurga dan merayu kepada Dia untuk jaga wang saya walau macam

mana pun sampai pakaian basah kita dikembalikan.

Dua hari panjang nanti, bila saya tahu waktu hampir sampai untuk lori membawa pakaian kami, saya duduk dekat tingkap, menunggu. Bila lori sampai, hatiku berdegap-degup. Secepat pakaian basah berada di dalam rumah, saya merebut seluaraku dan lari ke bilik tidur saya. Saya menghulurkan tangan saya ke dalam poket dengan tangan menggeletar. Bila saya tidak jumpa apa-apa dengan segera, saya fikir semua hilang. Tetapi kemudian jari saya sentuh bil lima-dolar basah itu. Semasa saya tariknya dari poket, saya berasa lega sangat. Saya berdoa dengan syukur kepada Bapa saya di Syurga, kerana saya tahu bahawa Dia sudah menjawab doa saya.

Sejak masa itu, saya ada banyak doa dijawab. Tiada hari yang saya tidak bercakap dengan Bapa saya di Syurga melalui doa. Itu hubungan yang saya menyayangi—saya sesat tanpanya. Jika kamu tidak sekarang ada hubungan begitu dengan Bapa kamu di Syurga, saya menggesa kamu ke arah matlamat itu. Semasa kamu buat begitu, kamu akan menjadi layak untuk ilham dan bimbinganNya sepanjang hidup kamu—keperluan bagi semua kita kalau kita akan terus hidup secara rohani semasa perjalanan kita di sini di dunia. Ilham dan bimbingan begitu adalah hadiah yang Dia beri dengan bebas kepada kita kalau kita mencarinya sahaja. Ini sesuatu yang amat berharga.

Saya selalu berendah hati dan bersyukur bila Bapa saya di Syurga bercakap dengan saya melalui ilhamNya. Saya sudah belajar untuk mengenalinya, mempercayainya, dan mengikutinya. Banyak kali sudah saya terima ilham. Satu pengalaman yang agak mendadak terjadi dalam Ogos 1987 semasa dedikasi bait suci di Frankfurt Jerman. Presiden Ezra Taft Benson bersama kami selama satu atau dua hari untuk dedikasi, tetapi dia sudah pulang rumah, jadi saya ada peluang untuk mengendalikan sesi-sesi yang tinggal.

Pada hari Sabtu kami ada sesi bagi anggota Belanda kami yang berada di daerah Bait Suci di Frankfurt. Saya kenal salah satu pemimpin kita yang cemerlang dengan baik dari Belanda, Saudara Peter Mourik. Sebelum sesi itu, saya ada perasaan jelas bahawa Saudara Mourik harus diminta untuk berucap kepada semua anggota Belanda itu dalam sesi itu dan bahawa, malah, dia harus berucap pertama. Saya tidak lihat dia di bait suci pagi itu, jadi saya memberi nota kepada Elder Carlos E. Asay, Presiden Kawasan kita, tanya dia sama ada Peter Mourik berada di sesi itu. Sebelum berdiri untuk memulai sesi, saya menerima nota dari Elder Asay beritahu saya bahawa Saudara Mourik sebenarnya *tidak* berada di sesi ini, bahawa dia sibuk di tempat lain, dan bahawa dia merancang untuk menghadiri sesi dedikasi di bait suci hari berikutnya bersama pancang tentera.

Semasa saya berdiri di depan untuk menyambut orang dan untuk memulakan mesyuarat, saya terima ilham yang memang jelas, sekali lagi, bahawa saya harus mengumumkan Peter Mourik sebagai penceramah pertama. Ini menentang semua naluriku, sebab saya tadi dengar daripada Elder Asay bahawa Saudara Mourik pasti *tiada* di bait suci. Namun demikian, saya mempercayai ilham dan mengumumkan penyampaian oleh paduan suara, doa, dan kemudian berkata bahawa penceramah pertama kami adalah Saudara Peter Mourik.

Bila saya pulang ke tempat duduk saya, saya tengok Elder Asay dan melihat pada muka dia kelihatan terkejut. Dia nanti beritahu saya bahawa bila saya mengumumkan Saudara Mourik sebagai penceramah pertama, dia hampir tak boleh percaya telinga dia. Dia berkata dia tahu bahawa saya sudah menerima nota dia dan bahawa saya membacanya, dan dia tidak boleh faham kenapa saya kemudian mengumumkan Saudara Mourik sebagai penceramah, jika saya tahu bahawa dia tidak berada di bait suci.

Pada masa itu, Peter Mourik berada di mesyuarat di pejabat kawasan di Porthstrasse. Di mesyuarat itu, dia tiba-tiba berkata kepada Elder Thomas A. Hawkes, wakil wilayah pada masa itu, dan tanya, “Berapa cepat kamu boleh membawa saya ke bait suci?”

Elder Hawkes, yang terkenal untuk memandu agak cepat dalam kereta kecil dia, menjawab, “Saya boleh membawa kamu ke sana dalam 10 minit! Tetapi kenapa kamu perlu pergi bait suci?”

Saudara Mourik mengaku bahawa dia tidak tahu kenapa dia perlu pergi ke bait suci tetapi dia tahu dia mesti pergi. Mereka berdua bertolak ke arah bait suci dengan segera.

Semasa persembahan paduan suara, saya memandangi ke sana sini, menjangka bahawa saya akan melihat Peter Mourik tidak lama lagi. Saya tidak melihat dia. Tetapi saya tidak rasa cemas. Saya ada keyakinan yang damai dan tidak dapat dinafikan bahawa semua perkara akan dijalankan dengan baik.

Saudara Mourik memasuki pintu di depan bait suci tepat selepas doa pembukaan, dan masih tidak tahu kenapa dia berada di sana. Semasa dia bergegas sepanjang ruang depan, dia melihat gambar saya pada monitor dan mendengar saya mengumumkan, “Sekarang kita akan dengar daripada Saudara Peter Mourik.”

Dengan kehairanan Elder Asay, Peter Mourik segera memasuki bilik dan datang ke depan.

Selepas sesi itu, Saudara Mourik dan saya membincangkan apa yang terjadi sebelum peluang dia untuk berucap. Saya berfikir-fikir tentang ilham yang datang hari itu, bukan sahaja kepada saya malah kepada Saudara Peter Mourik. Pengalaman luar biasa itu memberi saksi yang tidak dapat dinafikan kepada saya tentang kepentingan menjadi layak untuk menerima ilham begitu dan kemudian mempercayainya—dan mengikutinya—bila ia datang. Saya tahu tanpa ragu-ragu bahawa Tuhan

berniat untuk mereka yang hadir di sesi dedikasi Bait Suci Frankfurt itu untuk dengar kesaksian yang kuat dan mengharukan dari hambaNya, Saudara Peter Mourik.

Saudara dan saudariku yang terkasih, komunikasi dengan Bapa kita di Syurga—termasuk doa kita kepada Dia dan ilhamNya kepada kita—diperlukan supaya kita boleh menahan kesusahan dan ujian kehidupan. Tuhan menjemput kita, “Mendekatlah kepadaKu dan Aku akan mendekat kepadamu; carilah Aku dengan tekun dan kamu akan menemukanKu.”⁷ Jika kita buat begini, kita akan rasa RohNya dalam hidup kita, memberi kita keinginan dan keberanian untuk berdiri kuat dan teguh dalam kesolehan—untuk “berdiri . . . di tempat-tempat kudus, dan janganlah berpindah.”⁸

Semasa dunia berubah di sekeliling kita dan kita melihat prinsip moral masyarakat menjadi lemah, semoga kita ingat janji amat berharga Tuhan kepada mereka yang percaya kepada Dia: “Janganlah takut, sebab Aku menyertai engkau, janganlah bimbang, sebab Aku ini Tuhanmu; Aku akan meneguhkan, bahkan akan menolong engkau; Aku akan memegang engkau dengan tangan kananKu yang membawa kemenangan.”⁹

Hebatnya janji ini! Semoga itu menjadi berkat kita, saya berdoa dalam nama suci Tuhan kita, Yesus Kristus, amin.

CATATAN-CATATAN

- Jonathan Sacks, “Reversing the Decay of London Undone,” *Wall Street Journal*, Ogos 20, 2011, online.wsj.com; dengan tekanan sudah ditamnahkan. *Catatan*: Lord Sacks adalah pengetua rabai United Hebrew Congregations of the Commonwealth.
- Keluaran 20:3–4, 7–8, 12–17.
- Moroni 8:18.
- 1 Korintus 2:14.
- Yesaya 32:17.
- 3 Nefi 18:18–20.
- Ajaran dan Perjanjian 88:63.
- Ajaran dan Perjanjian 87:8.
- Yesaya 41:10.

Pengajaran Masa

Pelajaran Imamat Melkisedek dan Lembaga Pertolongan pada hari Ahad keempat akan menumpu pada “Pengajaran Masa Kita.” Setiap pelajaran boleh disediakan dari satu atau lebih daripada satu ucapan yang diberikan dalam persidangan umum yang terkini (lihat carta berikut). Para presiden pancang dan daerah boleh memilih ucapan manakah yang harus digunakan, atau mereka boleh memberikan tugas ini kepada uskup dan presiden cabang. Para pemimpin harus menekankan nilai para saudara Imamat Melkisedek dan nilai para saudari Lembaga Pertolongan mengaji ucapan yang sama pada hari Ahad yang sama.

Mereka yang menghadiri pengajaran pada hari Ahad keempat digalakkan untuk mengaji dan membawakan majalah persidangan umum yang terkini ke kelas.

Cadangan untuk Persediaan satu Pengajaran dari Ucapan

Berdoa supaya Roh Kudus akan bersama anda bila anda mengaji dan mengajarkan ucapan itu. Anda mungkin hendak menyediakan pelajaran dengan

menggunakan bahan-bahan lain, tetapi ucapan persidangan umum adalah kurikulum yang sudah diluluskan. Tugas anda adalah untuk membantu orang lain untuk mempelajari dan mematuhi injil seperti yang diajarkan dalam persidangan umum Gereja yang terkini.

Mengulangkajikan ucapan, mencirikan prinsip-prinsip, dan ajaran-ajaran yang menemui keperluan ahli-ahli kelas. Juga mencirikan cerita-cerita, rujukan kitab suci, dan pernyataan dari ucapan yang akan menolong anda untuk mengajarkan kebenaran.

Buat satu rumusan tentang cara untuk mengajarkan prinsip-prinsip dan ajaran-ajaran. Rumusan anda harus mengandungi soalan-soalan yang boleh membantu ahli-ahli kelas untuk:

- Mencirikan prinsip-prinsip dan ajaran-ajaran dalam ucapan itu.
- Merenungkan erti mereka.
- Mengongsikan kefahaman, idea-idea, pengalaman, dan kesaksian.
- Mengaplikasikan prinsip-prinsip dan ajaran-ajaran itu dalam hidup mereka.

PELAJARAN BULANAN DIAJARKAN	BAHAN-BAHAN PELAJARAN HARI AHAD KEEMPAT
November 2011–April 2012	Ucapan diterbitkan pada November 2011 <i>Liahona</i> *
Mei 2012–Oktober 2012	Ucapan diterbitkan pada Mei 2012 <i>Liahona</i> *

* Ucapan-ucapan ini boleh didapati dalam banyak bahasa di conference.lds.org.



Oleh Presiden Dieter F. Uchtdorf
Penasihat Kedua dalam Presidensi Utama

Dia Mengambil Berat tentang Anda

Tuhan gunakan satu ukuran yang berbeza dari ukuran dunia untuk mengukur nilai satu jiwa.

Musa, salah satu nabi terhebat yang pernah diketahui manusia, dibesarkan oleh anak perempuan Firaun dan menghabiskan empat puluh tahun pertama hidupnya di rumah diraja Mesir. Dia ketahui sendiri kemuliaan dan kehebatan kerajaan purba itu.

Bertahun-tahun kemudian, di atas gunung yang jauh dari keindahan dan keagungan Mesir yang perkasa, Nabi Musa berdiri di hadapan Tuhan dan bercakap kepadaNya muka ke muka seperti seorang yang bercakap dengan kawannya.¹ Sepanjang lawatan itu, Tuhan telah menunjukkan Musa mutu kerja tanganNya, membenarkan dia melihat kerja dan kemuliaanNya. Apabila penglihatan itu berakhir, Musa jatuh ke bumi selama berjam-jam. Pada masa kekuatannya kembali, dia menyedari sesuatu yang, dalam semua tahun di rumah Firaun, tidak dia sedari sebelumnya.

“Tahulah aku,” katanya, “bahawa manusia bukanlah apa-apa.”²

Kita adalah Kurang Daripada Apa yang Kita Andaikan

Lebih banyak yang kita pelajari tentang alam semesta ini, lebih banyak kita memahaminya—sekurang-kurangnya sebahagian kecil—apa yang Musa ketahui. Alam semesta ini begitu besar, misteri, dan gemilang hingga ia tak dapat difahami minda manusia. “Dunia tak terhitung telah aku ciptakan,” kata Tuhan kepada Musa.³ Kejayaan langit malam merupakan bukti yang indah tentang kebenaran itu.

Hanya beberapa perkara yang telah mengisi hati saya dengan perasaan kagum seperti terbang pada masa malam merentasi lautan dan benua dan melihat ke luar tingkap bilik juruterbang saya kemuliaan berjuta-juta bintang yang tidak terhingga.

Ahli astronomi telah cuba untuk menghitung bilangan bintang dalam alam semesta. Satu kumpulan saintis menganggarkan bahawa bilangan bintang dalam jarak teleskop kita adalah sama dengan bilangan

segala biji-biji pasir di pantai dan padang pasir dunia didarab dengan sepuluh.⁴

Kesimpulan ini mempunyai persamaan yang menarik dengan pernyataan nabi purba Henokh: “Dan seandainya mungkin bagi manusia untuk menghitung unsur-unsur bumi, ya, berjuta-juta bumi-bumi semacam ini, hal itu tidak akan menjadi permulaan untuk menghitung ciptaanMu.”⁵

Memandangkan ciptaan luas Tuhan, adalah senang untuk memahami kenapa Raja Benjamin menasihati kaumnya untuk “selalu memegang teguh di dalam ingatan, akan keagungan Tuhan serta betapa tiada berertinya dirimu sendiri.”⁶

Kita adalah Lebih Daripada Apa yang Kita Andaikan

Walaupun manusia bukanlah apa-apa, ia memenuhi saya dengan hairan dan kagum memikirkan bahawa “nilai jiwa adalah sangat berharga pada pandangan Tuhan.”⁷

Dan sedangkan kita boleh melihat keluasan alam semesta dan berkata, “Apakah manusia dibandingkan dengan kemuliaan penciptaan?” Tuhan sendiri berkata bahawa kita adalah sebab Dia menjadikan alam semesta! KerjaNya dan kemuliaan—tujuan untuk alam semesta yang megah ini—ialah untuk menyelamatkan dan mendatangkan kebakaan kepada manusia.⁸ Dalam kata lain, keluasan kekekalan, kegemilangan dan misteri ruang dan masa tak terhingga dibina bagi manfaat manusia biasa seperti anda dan saya. Bapa Syurgawi kita menciptakan alam semesta supaya kita boleh mencapai potensi kita sebagai anak-anakNya.

Ini adalah lawan asas manusia: berbanding dengan Tuhan, manusia bukanlah apa-apa; namun kita adalah segala-galanya kepada Tuhan. Walaupun dibandingkan dengan penciptaan tak terhingga kita mungkin akan kelihatan bukanlah apa-apa, kita mempunyai satu percikan api dari api kekal membara dalam diri kita. Kita mempunyai janji kemuliaan yang tidak dapat kita fahami—dunia-dunia tak dihitungkan—dalam genggamannya. Dan ia adalah keinginan Tuhan untuk membantu kita mencapai kemuliaan itu.

Kebodohan Kesombongan

Penipu terbesar, Setan tahu bahawa salah satu alatnya yang paling berkesan dalam menyesatkan anak-anak Tuhan ialah untuk merayu kepada kedua-dua ekstrim lawan asas manusia. Bagi sesetengah orang, dia merayu kepada kecenderungan mereka menjadi sombong, menggalakkan mereka untuk mempercayai dalam fantasi kepentingan dan kekebalan diri sendiri. Dia memberitahu mereka bahawa mereka sudah melampaui biasa dan kerana keupayaan, hak kelahiran, atau status sosial, mereka lebih baik daripada apa yang biasa di sekeliling mereka. Dia membawa mereka menyimpulkan bahawa oleh kerana itu, mereka tidak tertakluk kepada peraturan orang lain dan tidak harus diganggu oleh masalah orang lain.

Abraham Lincoln menyukai puisi yang berbunyi:

*Ya mengapa roh manusia harus
berbangga?
Seperti meteor pantas, awan
menerbang cepat,
Sedenyar kilat, pecahan
gelombang,
Manusia meninggal kehidupan
untuk rehat dalam kuburnya.⁹*

Pengikut-pengikut Yesus Kristus memahami bahawa berbanding dengan selama-lamanya, kewujudan kita dalam hidup fana ini “sebentar sahaja”

dalam ruang dan masa.¹⁰ Mereka tahu bahawa nilai sebenar seseorang mempunyai sedikit kaitan dengan apa yang dunia menganggap dengan penghargaan yang tinggi. Mereka tahu anda boleh kumpulkan segala wang di dunia dan ia tidak boleh membeli sebuku roti dalam ekonomi syurga.

Orang-orang yang akan “mewarisi Kerajaan Tuhan”¹¹ ialah orang yang menjadi “seperti seorang anak, penurut, lemah lembut, rendah hati, sabar, penuh kasih sayang.”¹² “Sebab barangsiapa meninggikan diri, ia akan direndahkan dan barangsiapa merendahkan diri, ia akan ditinggikan.”¹³ Murid-murid Yesus memahami juga “bilamana kamu melakukan pelayanan untuk sesama-mamu bererti kamu hanya melayani Tuhanmu.”¹⁴

Kita Tidak Dilupakan

Satu lagi cara Setan menipu ialah melalui kesengsaraan. Dia cuba untuk mengubah pandangan kita tidak penting kita sendiri sehingga kita mula ragu-ragu nilai diri kita. Dia memberitahu kita bahawa kita adalah terlalu kecil untuk sesiapa mengambil perhatian, yang kita adalah terlupa—terutamanya oleh Tuhan.

Biarkan saya berkongsi dengan anda pengalaman peribadi saya yang mungkin membantu orang yang merasa tidak penting, dilupakan, atau bersendirian.

Bertahun-tahun yang lalu, saya masuk latihan juruterbang di Angkatan Udara Amerika Syarikat. Saya jauh dari rumah saya, seorang askar Jerman Barat yang muda, yang dilahirkan di Czechoslovakia, yang telah dibesarkan di Jerman Timur dan bertutur dalam bahasa Inggeris hanya dengan kesukaran hebat. Dengan jelas saya ingat perjalanan saya ke pangkalan latihan kami di Texas. Saya berada di atas kapal terbang, duduk di sebelah penumpang yang bercakap dengan loghat Amerika Selatan berat. Saya langsung tidak memahami perkataan katanya. Saya sebenarnya tertanya-tanya jika saya telah diajar bahasa yang salah

selama ini. Saya terkejut melihat oleh pemikiran bahawa saya akan bersaing untuk mendapatkan tempat teratas dalam latihan juruterbang, terhadap pelajar yang merupakan penutur asli Bahasa Inggeris.

Apabila saya tiba di pangkalan udara di bandar kecil Big Spring, Texas, saya mencari dan mendapati cabang Orang Suci Zaman Akhir, yang terdiri beberapa ahli Gereja yang hebat yang mengadakan Gereja di dalam bilik yang disewa di pangkalan udara itu. Ahli-ahli itu dalam proses membina sebuah gereja kecil yang akan menjadi tempat yang tetap bagi Jemaah. Pada masa itu ahli-ahli menyediakan kebanyakan kerja untuk membangun gereja baru.

Hari demi hari saya belajar dengan sedaya-upaya dan menggunakan kebanyakan masa lapang saya bekerja di gereja baru. Di sana saya mendapat tahu bahawa dua oleh empat bukanlah satu tarian tetapi sekeping kayu. Saya juga belajar kemahiran penting tidak memukul ibu jari saya apabila mengetuk paku.

Saya menggunakan begitu banyak masa bekerja di gereja itu sehingga presiden cabang—yang juga salah satu pengajar penerbangan kami—mengucapkan kebimbangan bahawa mungkin saya harus menggunakan lebih banyak masa belajar.

Kawan-kawan saya dan juruterbang pelajar lain terlibat diri dalam aktiviti-aktiviti masa lapang juga, tetapi saya fikir adalah cukup untuk mengatakan bahawa beberapa aktiviti-aktiviti tersebut tidak sejajar dengan risala *For the Strength of Youth* yang kita punyai hari ini. Bagi saya, saya menikmati menjadi bahagian yang aktif dalam cabang Texas barat ini yang kecil, melatih kemahiran pertukangan kayu, dan meningkatkan bahasa Inggeris saya semasa saya memenuhi panggilan-panggilan saya untuk mengajar di kuorum orang tua-tua dan di Sekolah Hari Ahad.

Pada masa itu, Big Spring, di sebalik namanya, adalah tempat yang

remeh dan tidak diketahui. Dan saya sering merasai yang sama tentang diri saya sendiri—tidak penting, tidak diketahui, dan agak bersendirian. Meskipun demikian saya tidak pernah tertanya-tanya jika Tuhan telah lupa saya atau jika Dia akan dapat mencari saya di sana. Saya tahu bahawa ia tidak penting kepada Bapa Surgawi di mana saya berada, di mana saya menduduki tempat dengan orang lain dalam kelas latihan juruterbang, atau panggilan saya di Gereja. Apa yang penting kepadaNya ialah aku telah melakukan sebaik yang saya boleh, hati saya cenderung kepada Tuhan, dan bahawa saya bersedia untuk membantu orang di sekeliling saya. Saya tahu jika saya melakukan sebaik yang saya boleh, semua perkara akan dijalankan dengan baik.

Dan semua perkara dijalankan dengan baik.¹⁵

Yang Terakhir Menjadi yang Pertama

Tuhan tidak peduli sama sekali jika kita menghabiskan hari kita bekerja di dewan marmar atau gerai kandang. Dia tahu di mana kita berada, tidak kira betapa merendah diri keadaan kita. Dia akan menggunakan—dengan caraNya sendiri dan bagi tujuan suciNya—orang yang cenderung hati mereka kepadaNya.

Tuhan ketahui bahawa sesetengah roh-roh terhebat yang pernah hidup adalah orang-orang yang tidak pernah akan ditulis di tawarikh sejarah. Mereka ialah jiwa-jiwa yang diberkati dan rendah hati, yang mencontohi contoh Juruselamat dan menghabiskan hari-hari kehidupan mereka melakukan yang baik.¹⁶

Satu pasangan begitu, ibu bapa teman saya, contohi asas ini bagi saya. Suami itu bekerja di kilang keluli di Utah. Pada makan tengah hari dia akan mengeluarkan kitab-kitab suci atau majalah Gereja dan membaca. Apabila pekerja-pekerja lain melihat ini, mereka mengejek dia dan melawan kepercayaannya. Bila-bila mereka lakukan ini, dia bercakap kepada mereka dengan

kebaikan dan keyakinan. Dia tidak membenarkan ketidak kehormatan mereka membuat dia marah atau kecewa.

Tahun kemudian salah seorang yang mengejek-ejek lantang menjadi sangat sakit. Sebelum dia meninggal dunia, dia meminta orang yang rendah hati ini berucap di upacara pengebumian itu—dan dia melakukannya.

Ahli Gereja yang penuh iman ini tidak mempunyai banyak status sosial atau kekayaan, tetapi pengaruhnya dilanjutkan mendalam kepada semua yang kenali dia. Dia meninggal dunia dalam kemalangan perindustrian apabila berhenti untuk membantu pekerja lain yang telah terkandas dalam salji.

Dalam tempoh setahun isterinya harus melalui pembedahan otak, yang biarkan dia tidak dapat berjalan. Tetapi orang suka datang untuk menghabiskan masa dengannya kerana dia suka mendengar. Dia masih ingat. Dia mengambil berat. Tidak dapat menulis, dia hafalkan nombor telefon anak-anak dan cucu-cucunya. Dengan penuh kasih sayang dia mengingati hari lahir dan ulang tahun.

Mereka yang melawat dia meninggal dengan merasa jauh lebih baik tentang kehidupan dan tentang diri mereka. Mereka merasakan kasihnya. Mereka tahu dia mengambil berat. Dia tidak pernah mengadu tetapi menghabiskan hari memberkati kehidupan orang lain. Salah satu temannya berkata wanita ini adalah salah satu dari sedikit orang yang dia pernah kenali yang benar-benar contohi kasih sayang dan kehidupan Yesus Kristus.

Pasangan ini akan jadi orang pertama untuk mengatakan mereka tidak penting di dunia ini. Tetapi Tuhan menggunakan skala yang sangat berbeza daripada dunia untuk menimbang nilai jiwa. Dia tahu pasangan yang penuh iman ini; Dia mengasihi mereka. Tindakan mereka adalah saksi hidup iman yang kukuh mereka kepadaNya.

Dia Mengambil Berat tentang Anda

Saudara dan saudari, mungkin benar bahawa manusia itu tidak apa-apa jika berbanding dengan kebesaran alam semesta. Kadang-kadang kita mungkin merasa tidak penting, tidak dapat dilihat, bersendirian, atau terlupa. Tetapi sentiasa ingat—dia mengambil berat tentang anda! Jika anda ragu-ragu, mempertimbangkan empat prinsip-prinsip ilahi ini:

Pertama, Tuhan mengasihi orang-orang yang rendah hati dan lemah lembut, kerana mereka adalah “terbesar dalam Kerajaan Syurga.”¹⁷

Kedua, Tuhan mengamanahkan “kegenapan injil [Nya] [untuk] diumumkan oleh yang lemah dan yang sederhana kepada segenap hujung bumi.”¹⁸ Dia telah memilih “hal yang lemah [untuk] muncul dan mengalahkan yang perkasa dan kuat.”¹⁹ dan memalukan “apa yang kuat.”²⁰

Ketiga, tidak kira di mana anda hidup, tidak kira betapa merendah diri keadaan anda, betapa tidak seberapa pekerjaan anda, betapa terhad kebolehan anda, betapa biasa rupa anda, atau betapa kecil panggilan anda di dalam Gereja, Bapa Surgawi dapat lihat anda. Dia mengasihi anda. Dia tahu hati yang rendah anda dan perbuatan kasih sayang dan kebaikan anda. Bersamasama, mereka membentuk kesaksian kesetiaan dan kepercayaan anda yang berpanjangan.

Keempat dan akhirnya, sila memahami bahawa apa yang anda lihat dan mengalami kini tidak akan jadi selama-lamanya. Anda tidak akan merasa kesepian, kesedihan, kesakitan, atau kesengsaraan buat selama-lamanya. Kita punyai janji setia Tuhan bahawa Dia tidak akan lupa dan tidak akan jauhkan diri dari orang yang cenderung hati mereka kepadaNya.²¹ Punyailah harapan dan iman dalam janji itu. Belajar untuk mengasihi Bapa Surgawi anda dan menjadi pengikutNya dalam perkataan dan perbuatan.

Yakinlah bahawa jika kamu teruskan, percaya kepadaNya,

dan tetap setia dalam memelihara perintah-perintah, satu hari anda akan mengalami untuk diri anda sendiri, janji-janji yang diturunkan kepada Rasul Paulus: “Tidak pernah dilihat oleh mata, dan tidak pernah didengar oleh telinga, dan yang tidak pernah timbul di dalam hati manusia: semua yang disediakan Tuhan untuk mereka yang mengasihi Dia.”²²

Saudara dan saudari, makhluk yang paling berkuasa dalam alam semesta ini adalah Bapa roh anda. Dia kenali anda. Dia mengasihi anda dengan kasih sayang yang sempurna.

Tuhan melihat anda bukan hanya sebagai seorang manusia yang di bumi kecil yang hidup untuk musim

ringkas—Dia melihat anda sebagai anakNya. Dia melihat anda sebagai orang yang mampu dan direka untuk menjadi. Dia ingin anda tahu bahawa Dia mengambil berat tentang anda.

Semoga kita percaya, beryakin, dan menyelaraskan kehidupan kita supaya kita akan memahami nilai dan potensi kekal kita yang sebenar. Semoga kita layak untuk berkat berharga yang Bapa Syurgawi telah sediakan untuk kita adalah doa saya dalam nama AnakNya, malah Yesus Kristus, Amin.

CATATAN-CATATAN

1. Lihat Musa 1:2.
2. Musa 1:10.
3. Musa 1:33.

4. Lihat Andrew Craig, “Astronomers Count the Stars,” BBC News, Julai 22, 2003, <http://news.bbc.co.uk/2/hi/science/nature/3085885.stm>.

5. Musa 7:30.

6. Mosia 4:11.

7. Ajaran dan Perjanjian 18:10.

8. Lihat Musa 1:38–39.

9. William Knox, “Mortality,” dalam James Dalton Morrison, ed., *Masterpieces of Religious Verse* (1948), 397.

10. Ajaran dan Perjanjian 121:7.

11. 3 Nefi 11:38.

12. Mosia 3:19.

13. Lukas 18:14; juga lihat ayat 9–13.

14. Mosia 2:17.

15. Dieter F. Uchtdorf tamat dengan tempat pertama dalam kelasnya.

16. Lihat Kisah Rasul-Rasul 10:38.

17. Matius 18:4; juga lihat ayat 1–3.

18. Ajaran dan Perjanjian 1:23.

19. Ajaran dan Perjanjian 1:19.

20. 1 Korintus 1:27.

21. Lihat Orang Ibrani 13:5.

22. 1 Korintus 2:9.